

球陽

七

和書門	
四二六四	號
二四	函
二五	冊

內閣文庫	
四二六四	號
二五	冊
二五	函
七八	架
和書類	

內閣文庫	
番號	和 42664
冊數	25 (7)
函號	178 405



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



球陽

七

卷七

三頁

尚書

球陽

卷七

Faint bleed-through text from the reverse side of the page, including characters like '和位元年' and '民群'.

秋野

球陽

卷七

內一〇四一〇號

尚貞王

即位元年

清康熙八年己酉即位而國殿修造未成故于犬美殿行即位之禮

始定

百官人民夏冬衣服



王制定國中士民群黎每年四月朔日始授夏

衣十月朔日始着冬衣乃隨寒暑以異衣裳也

設置高奉行三負

素有善用座役人專掌國中田畝至于年設



置高奉行

親方部一負座敷二負大屋子管理

國中田畝而春秋二季往來諸郡巡察黎民安

逸勞苦知行頒賜並驗看貢租貨物等事

始免木石鐵奉行結袖

自昔木石鐵三奉行有公務時必以双袖結于

背土以為辨理至于是年免其結袖

始賜長壽寺于啓山

自往昔時奉命住時此寺是年將池上院地

栽植諸樹木由是換賜長壽寺于啓山長老

池上

院住持僧以為隱居之處

始定拜謁崇元廟例

王即位以後穿中華衣拜謁國覺天王天界三

廟行番先王而未嘗拜謁崇元廟乃以為缺

禮于是幸于崇元廟以為拜謁自此而始

大美御殿主部家末赤頭役改代首里民

自古大美御殿有田家之人而務主部並家末

赤頭役是年朝議裁田家人改代首里民永著

大為例

始置御道具當

始定每逢佳節掌茶酒獻之員役

每逢佳節下庫理當官掌管茶並酒之事奉獻

于國王也亦奉上于王子按司時掌其事以奉

上之者即里之子也奉上于紫巾官等時掌其

事以奉上之者即小赤頭也著為定矩

議定王子弟朝禮

往昔之時王叔王弟不做朝禮是年改定此諸

宮共行朝賀拜禮

始定親見世若文子結敬髻登城拜謝

素親見世若文子結敬髻時到親見世行拜謝

禮今番議改准唐榮若秀才登城行拜謝礼永

著為例

始定諸僧朝賀新禧

每年正月之初諸僧朝賀而無有定期至于是
年始定真言宗僧正月初四日禪家宗僧初五
日登城見朝恭賀聖主新禧
二年丸蓋國殿
有古國殿並宮室樓臺皆用木板蓋之今番改
蓋以瓦以致壯麗鞏固

宿藍田典那城筑曾隨貢使入閩起京而傳授
登之典道

燒製瓷罍及燒料俗呼燒玉之法而歸來以備國用
始定正月人日臘月念七日奏樂

正月初七日臘月念七日王出脚下庫理時
無有音樂至于今年始定於庭奏樂自此之後
每逢佳節王出登寶座亦有笙赤頭之樂

改定自王子至衆官正月初二日拜禮圓覺寺先
王神主
自昔王子等正月初三日至圓覺寺拜禮先王

神主自按司以至衆官正月初二日行拜禮然
王子與衆官同日不行拜禮是年題請不論上
下一存期其二日而行拜禮遂准其請著為定
矩

始定歲暮及正月諸僧入覲時奏庭樂

自性昔世臘月之末正月之初諸僧入以見朝
此時無有奏樂至于是年特命螺赤頭奉行武
具當轉令笙家來奏御庭樂

改定正月初七日隱居大臣自入朝賀

自性昔時正月初七日告老致仕俗稱按司親

方座敷等奉承王命入子御前以致見朝至于
是年改定每年入日令隱居士臣不候王命自
入御前恭賀聖主洪禧永著為例

宿藍田不願身命克盡忠心

宿藍田平田取雲奉憲令隨進貢使入關赴京

時清流舟經過七里灘忽遭溪水氾濫江水急

流都通官船衝石破損船上人負甚致慌忙諸
船將救甚船灘水甚急無力可施藍田棄去身
命脫衣入水至于他船即其他船人負全撈負
物並白銀等放在池石上本船即致湮沒貨物
亦多失散又至宿遷縣貓兒村繫舟一宿時有
一筏繫留其地至于半夜筏上之人忽然聚會
皆執干戈盡帶劍刃將以賊害球人劫奪方物
幸看江邊構一草舍想火燒其舍居人必來救

火賊自遁去藍田泗水上岸燒燬其舍邑人看
之盡來救火由是夜賊逃去船亦無恙天至曉
曙開船北行已至東昌府江關撞着官船爭河
相鬪即船流關下衝岸殆危船上之人皆懼箭
矢不敢行救藍田不顧身命帽冠受箭上岸繫
舟而爭鬪未弭大夫蔡國器高捧表章站于船
頭官船着此表文爭鬪已止平安赴京
三年重修國殿王移于禁城

神神應萬壽聖現三寺改為真言宗寺

自素真言宗僧供奉權現明神大夫内侍皆屬

波上山而其三寺禪宗僧住持之由是護國寺

住僧賴昌法印具呈懇請幸蒙俞允改為真

言僧寺

設置日帳主東二員

乞昌損宇座親雲

向世俊

真境名親雲上朝重

始授此職

設置大典頭官

始置大典頭職于首里三州俗稱三每州各設

按司一員親方一員專聽其平等爭訟之事亦

每平等設立小典頭官五員後有以理其事

始置御物奉行帳當

始定自正月初一日至十五日每值番日在禁城

中庭以奏樂

始置宜野灣郡

浦添郡田地甚廣人民已多將其浦添郡内十

邑仲城郡二邑北谷郡一邑合為宜野灣始賜

尚弘喜宜野灣王章惟烈龜山親新設一邑共

計十四邑

始設做糖三柱車叙教國中

首里真養心真喜屋筑登之看做糖車只用二

柱即真養心竭心窮巧作三柱糖車周教郡邑

至于今世國中皆使用焉三柱糖車自此而始

始置久米島比嘉祝女

久米島山城邑原屬仲里郡昔有具志川按司

伊志喜那霸改修依場喜橋遂蒙應嘉加賜此

一邑以屬具志川郡因此比嘉島尻等村為祭

礼時必請山城祝女以為祭祀後至柳起新崎

親雲上總地頭之時恭具呈文新設比嘉祝女

並致其祭也

四年創建辻仲島二邑

往昔之時辻仲島之地茫茫曠野禾黍蔬菜離

離蒼々無有居民是年題請王命始闢宅建
邑屬於那霸而今妓女多住此地以待旅客也
創建聖廟於久米邑

萬曆庚戌紫金大夫蔡堅喜友名奉命入貢

時幸登聖廟遂罔聖像以歸未遑建廟但唐榮

官負輪流督理其祭典祀之于人家至于本年

紫金大夫金正春城間題請建廟王允其請

廼卜地于久米村此地素建常德寺今裁其寺

東地都通事金正華赤嶺里之子親雲上督造此工自本年

起工翌年告成越明年正議大夫蔡國器高良親方

為督工官而塑像于廟每年春秋二仲令總理

唐榮司以為主祭至己亥年始用大宰以行釋

奠禮時王特遣法司一員以為主祭著為定例

張沂致身勵力戰死船中

那霸張沂湧田親雲上宗垣為北京大筆者赴國入京

時船行數日近見竿塘忽有賊船大小十三旬

後圍擁即張沂向直使相共商議而再三相戒
曰汝謹慎戒心防禦已密勿有慌忙失伍若怯
懦盜生者盡皆斬首不敢恕寬即擺武畧防備
將定此時賊船炮聲一响衆船齊聚四而攻打
而火礮炮銃如雨而來我船員役奮力拒戰沂
慨然勵勇迎賊彈力血戰自辰時至申時遍巡
船艙振起僚員不敢少息賊兵大敗返船逃去
沂恐賊船還來復致攻戰終持長刀立于船上

以示威勢賊衆見其武威異衆竊故鐵銃打透
沂身腰間以為殘害而沂不稍自覺漸一血流
而後自己覺知則踉伴水梢左右扶持入于艙
內以便療治未見効驗已當臨終時不顧身命
而問之曰賊船遙退否對曰退去已久矣沂喜
色滿而遂請諸官員曰予今為君死難人臣當
然稍無所恨惜者也但可深慮者老母幼兒棄
在家中予已災難帶亡無可寄托懇求衆位深

念朋友誼情始終照拂衆位若有肯諾予安於
九泉矣言未畢竟冥目而死焉而其所穿鎧甲
今藏之於家垂我後世矣

改定正月十一日衆僧所福
往昔之世正月擇吉聖家僧皆聚會於下庫理
二夜三日讀經說法以為祈福至于是年輔臣
公議以為題定自正月十一日起至十三日止
聖家僧進城祈福禪家僧皆聚來圓覺寺天王

寺天界寺亦各行懺法三十三座之修法以祝
國王泰平群黎安樂也

改定正月初三日幸行三廟

前代之時正月之初 王擇吉且率領百官備
列儀仗吹樂放砲而出于城外先拜首里森國
比屋武嶽而幸行於圓覺寺天王寺天界寺而
燒香拜禮至于是年改定正月初三日幸行其
三寺行此拜禮此時裁去其放砲只有儀仗吹

樂也

附 道老傳說前代之世有一權臣請待王
上時鳳輦已駕已過園比屋武嶽忽有一老
翁出迎 聖駕曰其心抱謀叛欲巧害王
躬以為請待伏乞 睿慮防備慎密以幸他
家欽哉戒哉語畢忽化清風而去焉 王大
驚怪之且深稔謝之既防備兵器大戒士位
幸于他家他家果有招集勇士藏之于內

要以擄王篡位然其者王之防戒已密不
能動手為亂而王因此神詭言免其大難
自世之後王每幸于城外必拜園比屋武
嶽而行于各處也 古語云武嶽表而
賣為東光寺于信家 天順年間那霸津東南之隅夜有十二里光
高冲碧天彩色照波 尚泰久王遙然見之大
奇且怪令人占之曰奇矣哉瑞矣哉夫藥師

有十二眷侍必也藥師發出此十二靈光者也
歟一日有一漁父撒網捕魚不料網中獲一寄
石仔細視之乃藥師像也其後靈光遂止不復
放光焉渙父奏之于王特命輔臣即於其津
中藥石闢宅創建一寺築堤架杠以通往來而
奉安之於其中名之曰東光寺即今禪家僧徒
持此寺後亦賜聖家僧以為隱居寺也至于後
世鑿作唐船堀時將其土塊覆填其海以為泥

地也是年覺遍座主却將其寺宅賣其俗家復
卜地若狽町松山之麓設建堂宇未見告成覺
遍入滅康熙壬戌賴賢題奏奉安其藥師于頂
峯院焉

改定圓覺寺天王寺天界寺持僧知行高

因覺寺知行高或賜百斛或五十斛不一定而
賜焉至于是年改馬六十斛天王寺天界寺亦
改為三十斛

嘉手前山城伊波石川渡口等五色改屬美里郡
照屋邑改屬越來郡

始屬真和志郡與那霸堂村于首里府
五年禁城之北新開一路

禁城因覺廟之間無有道路不便往還由是王
命輔臣新開一路于其間以通往來

貢船負役遭海賊

為進貢事遣耳目官向美德名嘉真親正議大

夫蔡拙嘉友名親等赴中華癸丑三月初三日那

霸開船十八日將到定海賊船十三隻自西南

來前後圍擁放炮矢如雨貢船負役奮力血戰

自辰時至申時不敢少怯賊兵大敗解圍走去

貢船得免其難而到閩安鎮即查死其戰者共

計六人稍被傷者共計二十四人四月初五日

安插館驛上京員役十月十三日起身赴京翌

年甲寅靖南王有謀叛天下之志召福建衆官

而密商議衆官皆無不敬從自此三月十七日
靖南王親自率領大軍攻敗延平府建寧府等
七府即到浦城之內仙霞關固布陳其清兵相
戰羸輸未決因此道路難過赴京員役延至四
月奈未得回於是其阿口通事等相共商議若
不乘汛歸棹恐有失針路茲呈請各衙門五月
十七日開船二十二日歸國
始置恩納大宜味小祿久志等四郡

本國郡邑田地甚廣人民亦多者分為二郡將
其金武郡內四邑亦讀谷山八邑合為恩納郡
始賜向弘毅大里王毛國瑞依渡山親後亦親
設一邑共計十二邑二邑分此一邑故此如此國頭郡內十
一邑羽地郡二邑合為田港郡後改名始賜向
象賢羽地王向日躡屋嘉比親後亦新設四邑
共計十六邑二邑分此一邑故此如此真和志郡內三邑豐
見城郡八邑合置小祿郡始賜向熙金武王毛

文祥小祿親方盛聖

後亦耕設四邑共計十五邑金武

郡內二邑名護郡十邑合設文志郡始賜向經

豐見城王
子朝良

顧恩敬

久忘親方助豐

共計十二邑

六年移安阿彌院如來于海藏院

正德年間日秀上人自刻阿彌院如來五字于

石上立安于西照寺而四季祈福以濟郡生至

千後年陽回住持此寺一日醉狂人手執白刃

掠入此寺刺殺住僧陽回而陽回為他被殺無

有嗣後竟廢此寺矣康熙甲寅年海藏院有盛

座主恭請 欽命亦將此寺院移建海藏院以

為奉安焉

移建安國寺於東宮南地

景泰年間 尚泰文王令輔臣卜地于首里久

場下地創建此安國寺以延熙山周雍讀經說

法以為祈國家泰平之處也故名其寺曰太平

山安國寺其壇奉安觀音木像嘉靖丁巳其寺

已致荒廢焉萬曆丙申重修寺院亦致興造嗣
後百官各損資財屢次修葺至于是年移營此
地在中山坊四圍石垣寺院之前新構佛殿邸
奉不動明王像至于康熙丙子年尚純王高懸
御筆匾額以崇信焉

始廢木屋庫

往昔之時卜地于那霸石門創建大德寺以奉
佛神後亦寺院已廢矣郎設公所以為聚積材

木之處設置官吏令堂那霸公館修葺等事也

康熙丙午俞天祐

當問親雲
上重次

曾任此職至于是

年恭具疏文題請始廢此公庫而將此公事盡
屬船手倉遂以此地賣與俗人而公所亦廢矣
今呼其地曰木屋

創建廣德寺之堂

康熙甲寅尚弘毅

大里王
朝亮

因有許憲捐資銀創

建一堂本寺之九至甲戌年世子尚純公賜普

獲群生四字御書匾額

八年設置御茶道長

夏德庸

湛水親方賢忠

始授御茶道長

始賜御朱印于王相

自素國相無賜御朱印

王大里尚弘毅

子朝亮

授此職時始賜御朱印今世亦然

官平村松嘉那善騎馬善習馬

南風原間切宮平村有松嘉那者善騎馬或騎

于碁盤石轉左旋或騎于五寸板前進後退又

善習馬雖蹄齧躑跳之馬亦四五日教而習之

攻以制之則變為良馬人不知為前馬時士多

師之學焉

靖南王遣陳應昌至國招之王不從

康熙癸丑福建靖南王耿精忠謀叛動兵雲南

王吳三桂亦謀叛起兵安南國從吳三桂是年

靖南王遣遊擊陳應昌招之王不肯從

始置共那城郡

勝連郡内九邑新設二邑合為西原郡拜授而

兼常共那城按向世後仲田親共計十一邑本年

改名平田郡至丁卯年亦改名共那城郡

始定攝政法司朱色印並法司御物座之墨色印

以行國中

創建金城石橋

首里金城邑前有一木杠或為虫蛙所害或被

始風雨所傷洊至頽敗由是王命揚壯盛

山内親方昌方

等創造石橋以通往來焉

安次嶺井中出異光輝

十夏五月初二日午刻小祿郡安次嶺邑當間妻

率一男加那一婢牛往井浣布此時候有一光

輝從井中出赤色如火紅形如圓毬而其圍六

寸之大漸入大變為四尺之圍内有如月似扇

亦籠狀當間妻並加那牛等倏然見之大驚且

怪即招媳婦二人其他見之暫時即滅

王遣使探問清朝安否

正議大夫蔡國器等探問清朝安否並貢使

消息聖祖大悅深嘉琉球忠順之誠

十年清聖祖許增貢船一隻迎接勅書

王遣耳目官陸承恩今改姓名曰向嗣孝正議大夫王明

侏等奉貢方物係奏乞增船一隻迎接勅書及

貢使以便往來聖祖從之此接貢船後而始焉

始設御料理座

設置講解師訓詁師

本國創建學校時例延中國大儒教授生徒後

有總理司教訓康榮士臣萬曆年間鄭廻入監

肄業已返國後旋擢此職至于是年奉王諭擇

邑內文理精通者一人擢為講解師又擇句讀

詳明者一人擢為訓詁師永著為例

十一年始定正月初二日王世子親至聖廟

此日王子弟及加銜王子並法司御物奉行申
口官悉皆供奉王世子拜謁于聖廟各薦香
並酒恭行拜禮

仍置御右筆主取

本國素有此職屢次員缺是年金榜及上江親雲上

安亦授此職後無員缺以至今世

裁去國頭山奉行

素稱仲頭山奉行至于是年改稱國頭山奉行

而令紀逢佳仲順親雲等亦仕此職時既廢此

職而山奉行並理國頭山奉行事

鄭明良入閩始學相法

本國之人未聞有看人相唐榮副通事鄭明良

奉使為存留官入閩是年學換骨相法以歸本

國徧看人相

十二年再画夷神

正德年間日秀上人卜地于那霸創造此堂在

町懸夷殿画幅以濟衆生焉而歷年久遠画幅
盡壞由是那霸人民亦發信心再寫其像而懸
于其中焉

雷落擊死宇堅邑婦女蒲戶

春三月間具志川郡宇堅村婦女蒲戶偶過日

橋場橋雷霆大响忽然而降打裂其頭分為兩段

雷落擊死城間村人加那

春三月間浦添郡城間邑男丁加那往至海邊

要取海味時落雷霆倏落打斃其人

御双紙庫理官兼管納殿並下庫理

御双紙庫理官毛昌損

野嵩親雲
上安平

兼管納殿並

下庫理及勢頭等事康熙辛酉向世俊

西原親
雲上朝

授此職時兼任取次職

創建首里新橋

首里島小堀邑有一小川每逢風雨水隘汪洋

難以往還王命按司向洪德

今歸仁按
朝又

等築石

為橋名之曰新橋

新置中議大夫

唐榮素有中憲大夫至于近世無有此官是年

始命法洞官等設建中議大夫而有正議中議

之分也

移構識名神社于洞外

往昔之世建立識名社官于洞中奉安阿弥陀

藥師觀音恒以崇信亦造此寺苑草以蓋而者

宇神社是年修造寺並宮改蓋以瓦而洞中潮

濕擔牢早爛不勝修葺住僧覺遍題請移構神

社宮殿于洞外

加賜御双紙庫理知行高二十斛

御双紙庫理毛昌楨

野高親雲
上安平

兼掌寺勢頭而

加賜二十斛共為四十斛

設置通事官

制定副通事與通事之分而通事性黃冠者稱

副通事又陞若里之子筑登之者稱通事
增賜二號副通事跟伴一人共為四人
十三年臨海寺並社宮改蓋以瓦

往古之世那霸津中有大光輝上冲碧天
誠非尋常之木也自次夜他津中果無光輝即
卜地于津上創造神社並寺蓋以木板而奉安
此木以為崇信焉名之曰冲山臨海寺後亦供

養彌院藥師十一面觀音

俗說供養藥師並日

信石像

至于本年此社宮並寺院等改蓋以瓦

云甫

始幸辨財天亭

始定每年正五九月間擇得吉且
聖主幸行

識名社觀音堂時亦幸於辨財天亭以祈國土

泰平焉

中山坊以瓦改蓋

中山坊原以板蓋之或為風雨所損或為蟲蛙
所爛不能久保今番朝議改蓋以瓦

十四年新闢天王寺小門于東邊

客星侵丑寅之會

秋七月廿八日客星侵于丑寅之會由是國書

院官轉達于王遂問唐榮臣僚曰前夜仰觀

碧天有客星侵于酉方此是二說不相齊焉

崇元廟並寺改蓋以瓦

崇元廟並寺院皆以薄板而蓋之屢次朽爛以
加修葺而不勝其憂王令輔臣改蓋以陶瓦
焉

裁卿振舞奉行

先文澤具志頭親方安敦

曾授卿振舞奉行職後日告

病辭職時三裁去此職而令卿書院親方三

員兼理此奉行職

蔡鐸妻葉氏真吳勢屢勸天求側室且固請以洲

為嫡

唐東紫金大夫蔡鐸妻葉氏真吳勢十六歲出
嫁二十歲甫生女子二十二歲再生次女既而
十有餘年不會受胎葉氏憂之曰人家不可以
無嗣也君何不求側室乎鐸曰汝以婦道事姑
和順至孝天必眷汝豈有無嗣之理耶葉氏曰
妾不受胎既迨十餘年豈恃天以廢家統哉屢
勸屢強以求側室側室生男淵歷乎二秋葉氏

亦生男溫葉氏愛兩兒怡如珍寶及數歲時鐸
要以溫為嫡葉氏曰不然君久無嗣恐有廢宗
業妾潔志許愿今幸生淵淵雖側室所生是天
賜嫡子也既得兩兒傳業保家永無虞矣則一
家之大慶請君再察焉鐸不然諾葉氏固請遂
以淵為嫡以溫為次而一家榮華友愛尤篤焉
移設陶窰于牧志邑地

昔有壺屋在美里郡知花邑首里寶口那霸湧

田等地共計三所至于其三地陶窑移在
收志邑南以為一所也

擇役職員素蒙知行二十斛者始賜切米

素蒙知行高二十斛者任役職時而不賜俸米
至于其年二十斛以下改賜俸米

裁去御材木奉行並筆者

裁去燒物奉行並筆者

加增瓦奉行所筆者一人
共計三人

裁去御道具當大屋子並筆者但主部六人屬于

大臺所

裁去大臺所小盤三介

裁去御用布座大屋子並筆者其公務等悉皆令

宮古藏役人管之

裁去雜物御藏筆者一人



